

# 39<sup>o</sup>

## Travesía a nado El Corte Inglés

### organización

A XXXIX edición da "TRAVESÍA A NADO EL CORTE INGLÉS", rexerase pola Normativa de Competicións de Augas Abertas da Federación Española de Natación e polo presente regulamento particular.

A travesía constará de dúas probas diferenciadas:

- Media milla náutica: Travesía a nado popular
- 4º Trofeo de Augas Abertas Mar de Vigo

Cada deportista poderá participar só nunha proba debendo seguir o procedemento establecido e dentro do prazo fixado pola Organización.

### participación

Establécese como DATA LÍMITE de inscrición o mércores 26 de xullo ás 20.00 horas, non sendo posible baixo ningunha circunstancia ningún tipo de inscrición, cambio ou modificación con posterioridade a esta data.

Para participar na proba de Augas Abertas é necesario ter máis de 14 anos e contar con licencia en vigor na tempada 2016-17 en calquera modalidade deportiva adscrita a unha Federación Deportiva Estatal.

A inscrición na travesía supón a aceptación do presente regulamento, quedando reservado o dereito de admisión.

Os dereitos de inscrición son gratuítos.

### categorías

As categorías establecidas son as seguintes:

#### MEDIA MILLA NÁUTICA: TRAVESÍA POPULAR

CAT.	SEXO	NADADORES NACIDOS NO ANO	CAT.	SEXO	NADADORES NACIDOS NO ANO
1	MAS.	2002 E POSTERIORES	14	FEM.	1967 A 1976
2	FEM.	2002 E POSTERIORES	15	MAS.	1957 A 1966
3	MAS.	1997 A 2001	16	FEM.	1957 A 1966
4	FEM.	1997 A 2001	17	MAS.	1956 E ANTERIORES
5	MAS.	1992 A 1996	18	FEM.	1956 E ANTERIORES
6	FEM.	1992 A 1996			
7	MAS.	1987 A 1991			
8	FEM.	1987 A 1991			
9	MAS.	1982 A 1986			
10	FEM.	1982 A 1986			
11	MAS.	1977 A 1981			
12	FEM.	1977 A 1981			
13	MAS.	1967 A 1976			

#### 3º TROFEO DE AUGAS ABERTAS MAR DE VIGO (Só para deportistas federados)

CAT.	SEXO	NADADORES NACIDOS NO ANO
19	MAS.	2003 E ANTERIORES
20	FEM.	2003 E ANTERIORES

### inscricións

As inscricións efectuaranse no Centro Comercial de El Corte Inglés, no 5º andar - Departamento de Deportes, en horario de tarde (de 16 a 20 horas), sendo requisito imprescindible a presentación de calquera documento oficial no que figure a DATA DE NACEMENTO do nadador.

Asemade, os nadadores non federados menores de 18 anos na data de inscrición precisarán AUTORIZACIÓN paterna/materna no boletín de inscrición.

Os nadadores FEDERADOS que non residan en Vigo, poden efectua-la súa inscrición chamando a El Corte Inglés de Vigo, departamento de Marketing, teléfono 986 41 64 00. Neste caso a presentación de documentos realizarase no día da Travesía.

### desenvolvemento

#### DA PROBA E XURADO

A proba estará controlada polo Comité Galego de Árbitros da Federación Galega de Natación, sendo da súa competencia a resolución de calquera cuestión ou recurso que apareza no desenvolvemento da competición.

A efectos de identificación, cada participante recibirá da Organización un gorro numerado e chip, polo que será necesario acredita-la personalidade con algún documento oficial. Este gorro deberá colocarse antes de comeza-la travesía e non retiralo ata finaliza-la mesma.

A organización poderá pechar a chegada da proba transcorridos quince minutos dende a chegada do grupo principal de nadadores. Neste caso os nadadores serán recollidos pola organización e trasladados á liña de meta.

Queda expresamente prohibida a utilización de axudas externas, como aletas, flotadores ou e similares.

No que atinxe aos traxes de baño permitidos será de aplicación a normativa internacional vixente: Normas FINA (BL 8 SWIMWEAR, FINA Bureau do 2 de decembro de 2016). A estes efectos a temperatura da auga será comunicada pola organización unha hora antes do comezo da proba.

### premios

#### 4º TROFEO DE AUGAS ABERTAS MAR DE VIGO

Faranse dúas clasificacións absolutas: unha masculina e outra feminina, obtendo premio o/a:

- Campión/a absoluto: trofeo e tarxeta-regalo de El Corte Inglés de 350 €
- Subcampión/a absoluto: trofeo e tarxeta-regalo de El Corte Inglés de 250 €
- Terceiro/a clasificado/a absoluto: trofeo e tarxeta-regalo de El Corte Inglés de 150 €
- Cuarto/a clasificado/a absoluto: trofeo e tarxeta-regalo de El Corte Inglés de 100 €
- Quinto/a clasificado/a absoluto: trofeo e tarxeta-regalo de El Corte Inglés de 80 €
- Sexto/a clasificado/a absoluto: trofeo e tarxeta-regalo de El Corte Inglés de 60 €

#### MEDIA MILLA NÁUTICA: TRAVESÍA A NADO POPULAR

• Campión, segundo e terceiro clasificado en cada categoría: trofeo El Corte Inglés

Ademáis:

- Trofeo ao nadador de maior idade
- Trofeo á nadadora de maior idade

A entrega de trofeos realizarase unha vez rematada a travesía na mesma praia.

NOTA. Tódolos participantes que naden na Travesía recibirán un obsequio conmemorativo da súa participación na XXXIX TRAVESÍA A NADO EL CORTE INGLÉS.



# percorrido

A saída para tódalas categorías (con separación entre percorridos) darase na praia do Vao de Vigo. Esta saída estará debidamente sinalizada e delimitada a tal efecto.


O percorrido consistirá nun "triángulo olímpico", con dúas boias de obrigado paso: primeiramente a situada na marxe dereita mirando ao mar, e despois a da marxe esquerda.

A meta, tamén sinalada e delimitada, emprazarase na beira da praia. Unicamente será válida a chegada no lugar establecido como meta.

A lonxitude do Trofeo de Augas Abertas (percorrido A) é de 2.500 metros, namentres que a lonxitude da Travesía a nado popular (percorrido B) é de media milla náutica: 926 metros.

Os nadadores e acompañantes participantes concentraranse na zona da saída ás 10.00 da mañá para a entrega de documentación. Unha vez pechada a entrega de gorros e documentación non se realizará entrega posterior.

Para maior información consulta-la figura debuxada ao dorso deste regulamento.



CONCELLO  
DE VIGO



## 39ª Travesía a nado

El Corte Inglés

30 xullo 2017

11:00 h.  
praia do Vao  
VIGO

proba de augas abertas  
e travesía popular

El Corte Inglés

TUS COMPRAS EN  
tienda | web | móvil

McDonald's Coren CABREIROÁ SUPERMERCADO FERAN arena CONCELLO DE VIGO